

نسخه سی ۱۰ پاره


باب عالی جاده سنده ۶۶ نومرولی دائرة
مخصوصه

کوندریلان اورانک غزته به درج اونغا نلری
اعاد ایداز

غزته مزه کوندرله حاک اوراق و مکاتب
(هلال) غزته سی صاحب امتیازی نامه
یارلیدر .

هر کون نشر اولور

هر کون نشر اولور



« هلال »

مشروطیتک استقرارینه خادم غزته

بند مخصوص

شروط خلافت

شوصوك كوندره استبداد كندينه بر استنادكاه
آراركن. ملك ضربه قهر و تنكيلى آلتده تارومار اولان
قواى ظالمه و منحوسه سنى يكیدن تاسيس واعاده ايده بيلمك
ايچين بيك ربا ، بيك يالان ، بيك تزوير و دسيسه
ايه تسميم وجدان و اذهانه چاليشيركن محو و نابود
اولان قوت و قدرتي دعواى خلافتله ترصين و تحكيمه
قالقيمدى .

عبدالحميد ثانی ، تثبیت ارتجاعکارانه سنه قارشى
ارتق بو دفعه آلمانیهرق بردن دست بدست اتفاق ،
يك آواز نفرت و انتقام اولهرق قیام ایدن بوبوك
عثمانيليك عظمت دهشت نموى قارشينده ، ناچار
و مضحمل ، صوك بر امید نجات و بقا اولق اوزره
قدرت مقهوره سنك صوك سلاح فسادينه صاريلدى .
خلافتى ، « امير المؤمنين » صفت منصوبه سنى ميدانه
چيسقاردى . بر ولوله جانخراش ايله زير يابنده
سالانان تختنى صاف و معصوم اولان بر قسم خلتك
حسبات دينيه و مليه سنى تحريك ايتك صورتيه محافظه
ايده بيلمك غصيرت مردوده سنه دوشدى ،
و « وولقان » لرى . جاسوسلرى ، جلادلريله
ديدى و دیديردى كه :

« ای خلق ! بن امام المسلمین . بن خلیفه روى
زمین ، پیغمبرك وکیل مطلق ، وکیل مقدسى و غیر
مسئولى بن ایم . »

تبه سنك بر قسم جاهله و مستبده سنه امیر المؤمنین ،
خلیفه روى زمین صفتيه خطاب ایدن بر حکمداردن
وارد اوله حق تلقیناتك ، مادام كه ماهیت حقیقیه سنى
بیلنمیور ، البت بو خلق اوزرنده بر نفوذ و تاثیرى ،
بر تاثیر سمدارى واردر .

اولا ، شوراسنى بیللى ، شوکا بوتون بر قلب
ايه ، حقیق بر موحد و مؤمن قلب صاف و پاکيله ،
حقیق بر مسلمان صفتيه ، وجدانيله قناعت ایتلى كه

عبدالحميد ثانی نظر شریعته ، احکام شرعیه ، احکام
مقدسه قرآنيه قارشينده هیچ بر زمان خلیفه
مسلمین اولامادی . عبدالحميد ثانیك شخصنده ،
شخص مسئول و ظالمده بر صفت خلافت ظن و وهم
ایدنلر یا احکام شرعیه مزى بیلیمانلر و یا خود اوقانون
مینك احکام منقیسه عصیان ایدنلردر . بونی اولان
آیات جلیله قرآنيه ، احادیث نبویه ، وصوکرده
علمای اسلامك فتاواى موجوده سیله اثبات ایتك
هر زمان حاضرز . قرآن کریم ، دیکلیك بو بر آیت
میجدهر ، قرآن کریم « ظالملر ز یاندن بشقه برشی و برمز »

« الى لمة الله على الظالمين ... »

« اللهم لعنتى ظالم اوزرينه ... »

ایشته بر حدیث شریف :

« من دعاء الظالم بالبقاء احب ان يعصى اه
في ارضه »

تورك اعظم علماسندن امام محمد بر كوى
حضر تلى ده :

« ظالمك یشامسى ایچون دعا بیلله كفنردر . »

بیورمشلر . ظالمك حضور و سلامته دعا علمای محققین
اسلام نظر نده بر كفر عد اولنورسه محیا دوزخ و ودن
دوزخ و ظلمه ، ظالمه شرع مبین احمدی نه حکم و فتوى
و بریر ..؟ علمای اسلام دائما ظلم علیه قیام ایده كمشدر ؛
هیچ بروقت ، ظلمه قارشى ، اولنلری لعنت خوان
اولقندن منع ایده مدی . اولدیلر ، اشكجهلر ، قیر باجلر
زنچیلر آلتده ایكیم ایكیم ایلکیرك اولدیلر ، فقط
ظلمه ، ظالمه هیچ بر زمان ایلکمدیلر ، عباس المنصورك
اشكجه سنى ، قیر باج ضربه لری آلتده شهید اولان امام اعظم
ابوحنیفه حضرتلری باشده بولندیقی حالده اكابر
و اعظم اسلامك همسى ظلم و ظلمه یه باش كمشدن ایسه
مرتبه بلند شهادتی احرازى ترجیح ایده رك قلیجه و خنجره
تسلیم جان و وجدان ایتدیلر !..

عبدالحميد ثانی هر شیدن اول بر ظالم ، كهنك
بوتون شدت شمولیه بر ظالم ایدی . بوجهته خلافتی ،

نام عالی اسلامیه به اجرائى حكومتى هیچ بر زمان شرعك
نظر حكمنده صحیح اولاماز . مشهور هلاكو طرفندن
وارد اولان پرسؤاله قارشى بغداد علمای اسلامى
« كافر عادل بر پادشاهك ظالم مسلمان بر حکمداره
مرج اوله جغه » دائر فتوى و بر مشلردى .

ایشته علمای اسلام متفقاً ظالم بر حکمدارك كافر
بالله اولان بر حکمداره مرجح اوله جغه حکم ایتمشلر ،
فتوى و بر مشلر ، حکم شریعت قارشينده حتى منكردن
دهامر دود اولان بر ظالمك خلافتی مقبول اولابیلیرمى ؟
خلفای حقیقیه اسلام وظیفه مقدسه خلافتی
ناصل قول و تلقی ایدیسورلردى ، خلافتی ناصیل
آكلابورلردى ، برنجی خلیفه اسلام اولان حضرت
ابوبكر الصديقك ايلك خطبه سنى اونوتولدیمى ؟

« ایها الناس انه والله ما فيكم احد أقوى
عندى من الضعيف آخذله الحق ولا اضعف
من القوى حتى آخذ الحق الحق منه » یعنی :

« ای انسانلر ، ای امت ، كركچك والله
بن آنك ایچین حق آنجهیه قدر ضعیفدن
عندمده دهاقوى بر آدم سزده یوق . و آندن
حق آنجهیه قدر قویدن عندمده دهاضعیف
کیسه یوقدر »

ایشته احکام اساسیه شرعیه من . دینی باشقه درلو
تفسیر ایدنلر شریعتی منافع و امال منفوره جباریه ،
ظلمه یه كوره تاویل و تغییر ایدنلردر .
حقتده اظهار اولنان نفرت عمومیه رغماً بوكون
حالا مقام سلطنت عثمانیه ادعاى خلافت ایدن
عبدالحميد ثانیك اوتوز اوچ ، اوتوز درت سنه در
ملته قان آغلتهرق ، قان قوصدره رق دوام ایدن
مدت و تاریخ سلطتی بر كره نظر تدقیقه الیتیره ،
بودور منحوسك ، بو اداره حمیده نك یالکتر بر كلهده
خلاصه تاریخ و موجودیتی ممکن اولور : ظلم ! ینه
ظلم ، دائما ظلم ! . بر كره چكك كرمزى . كورده كرمزى ،

ضايعاتمى دوشونم : نتايج سيئانى اوله رق مملكتك
الك معمور ، الك زتكين پارچه لرى دشمن اللرنده
قالدى ... استبدادى بر مدت قليه ده دوام ايتسه
بلكه بوتون روم ايلي دشمن اياقلىرى آلتنده چكته نه چك
ايدى . احوال خارجيه مرك اوزمان معروض اولدينى
مهالكي بر طرف ايدلمده ، بر كره مملكتى ، داخل مملكتى
دوشونم : روم ايللىر ، اناطوللىر ، عربستانلر .. بوتون
عثمانلىق نه حاله كيردى ، بوكونكي سفالتلر ، هر درلوسفالتلر ،
مادى معنوى سفالتلر كيمك تيره ايتديكي بر فلاكت
مخوفه در بونلرى دوشونم . اداره زائله حميدنىك
شيمدلك تعداد سيئاتنى بر طرفه بر اقمده حالى بر آز دوشونم ،
قارنلر مزه ، محترم اهلانلرزه سويليم ، تكرار ايدم كه
عبدالحميد تانى نظرو حاكم شريعت قارشينده خليفه دكلدر ،
وهيچ بر زمان اولامادى . شيمدى مصنوع ومغصوب
اولان صفت خلالتيه ترصين استبداده قيلم ايديلور .
هر سلاحدن ، هر قليجدن كسكين اولان بوساخته
دين و خلافت سلاحنى ملت بويد خيانتدن آرتق
استرداد ايتيلدر .

احمد صميم

احكام عداك اسلاميه دن :

بعض فتاواى شريفه

١

امير المؤمنين بولنان زيد مكلف بيلرنده ولاد
وملك اوليان مسلميند عمر و بكر ، بشر ، خالد
ودها بر چوق محقون الدم كيمسه لرك قتلى صخر ،
صفوان ، علقمه ، خطبه به امر ايدوب اولنلر دخى
مخاين الدم مزبورنى اتلاف قصديله كيميسى آغاجه
صاروب آتش ويره رك چاير چاير ياقق ، كيميسىك
آياغته كله باغلايوب ذكره آتق ، كيميسى بوكسك
بنالردن ايتوب دوشورمك صورتلريله قتل ايتسه لر
ايچارنده صغير وغائب بولنيان ورته مقتولين دخى
كافسى قصاص طلبنده بولنسه لر قاتلين مزبورين
صخر ، صفوان ، علقمه ، خطبه نكمى قصاص
ايدللىرى يوقسه مزبورينه مذكور قتل امرينى ورن
امير المؤمنين زيد مزبورنى قصاص ايدلمى لازم
كلور ؟

الجواب :

مزبورينه قتل امرينى ورن امير المؤمنين زيد
مزبورك قصاص ايدلمى لازم كلور .

امير السلطان اكراه وان لم يتوعده (تنوير

الابصار)

ويقاد فى القتل العمد المكره (تنوير الابصار

وشرحه)

والنصصاص على الذى اكرهه (مختصر

القدورى)

وفى المعراج عن المجتبي يشترط عند ابى

حنيفة اى فى شبه الممدان يقصد التأديب
دون الاتلاف (رد المختار)

٢

امير المؤمنين بولنان زيد مكلف بيلرنده ولاد
وملك اوليان مسلميند عمر ومحقوق الدمى قتل
عمدايله قتل ايدوب عمر ومقتول مزبورك پدرى
خالد دخى قصاص طلبنده اولمغه امير المؤمنين دنيلان
زيد قاتل مزبورك شرعاً قصاص ايدلمى لازم كلسه
نه وجهه قصاص ايديلور ؟

الجواب :

يا كندنىك شو حكم شرعى به منقاد اولوب طوعاً
ولى الدم خالد مزبوره تسليم اوله رق و يا عساكر
مسلمين طوتوب جبراً ولى الدم خالد مزبوره تسليم
ايدرك ولى الدم مزبور بديله قصاص ايديلور .

والخليفة الذى لا ولى فوقه يؤخذ بالقصاص
والاموال لانهم من حقوق العباد فيستوفيه
ولى الحق اما بتكفيه وبمنعة المسلمين (تنوير
الابصار وشرحه)

والخليفة يقتص ويؤخذ بالمال لانهم من
حقوق العباد ويستوفيه ولى الحق اما بتكفيه
او بالاستعانة بمنعة المسلمين (درر)

٣

امير المؤمنين بولنان زيدك مقام امامته بقاى
ملك وملته مضر اولوب عزلته تشبث دخى قته ني مؤدى
اوله جق اولسه فقط بقاسنده كى مضرت ملك ومملك
بسبتون محوينى موجب اوله جق ، عزلى تشبثنده
ملحوظ اولان قته آكا نسبتله اهون قاله جق اولسه
مسلمينك نه وجهه حركت ايتلى لازم كلور ؟

الجواب :

بو حاله ظهورى ملحوظ اولان قته نك مضرتيه
باقيلمىوب هر نه اسبابه موقوف ايسه بر آن اول تشبث
ايدرك هان عزل ايملىرى لازم كلور .

وان أدى خله الى فتنه احتمل أدنى
المضرتين (رد المختار)

٤

امير المؤمنين بولنان زيدك مقام امامته بولنسى
مسلمين ويا مسلميند بر طائفه كره كورسه لر بو حاله
زيد مزبورك مقام امامته بولنسى جائز اولورمى ؟

الجواب :

اولاماز . هان مقام امامتى ترك ايدوب چكلمسى
اوزرينه شرعاً لازم اولور .

حضرت ابو بكر رضاه عنه نبى ساعده چارداغنده
بولنان مسلمين بيعت ايتدكن صكره ايرتسى كون منبر
رسول الله اوزرنده آياغه قالقوب هل من كاره قاقيله
هيچ ايسته مين وارمى وار ايسه هان فسخ ايديم
بيورمشدر .

٥

امير المؤمنين بولنان زيد طريق استقامتى ترك ايله
كروبه جور وظلمه صامش اولديغنه منى كندنىك او
مقامده بولنديغنى مسلمين كره كوروب كندى دخى بونى
بيلديكى حاله مقام مذكور دن چكلمسى اوزرينه شرعاً
لازم ايكن چكلمه يوب حتى چكلمك نيتسه دخى
اوليوب باشنه بر قوت جمع ايدرك مسلمينه قارشى بر
فته ده پيدا ايتسه شرعاً مسلمينك نه ياپلرى لازم
كلور ؟

الجواب :

عموماً مسلمين سلاحنوب كندنى وباشنده بولنان
جمعى تارومار ومحو و نابود ايتلى لازم اولور .
ابو داود طيالىس و طبرانى وابن عدى واحد بن
حنبل و خطيب « ثوبان » رضى الله عندهن

كذلك طبرانى « لقمان بن بشير » رضى الله عندهن
روايت ايتدكلرى اوزره بيغمبر صلى عليه وسلم
استقيموا القريش ما استقاموا والكم فان لم يستقيموا
(وعند ابن عدى : فاذا اغوا عن الحق) فضعو اسيو فكم
على عواقبكم ثم ابيدوا (وعند الطيالىس) و (لطبرانى)

فابيدوا حضراتهم يعنى حكومت سزه مستقيم
بولندقه سزده انلر مستقيم بولنك ، حكومت استقامتى
ترك ايدوب حقدن عدول ايدرسه او آنده قايلىنجر كزى
اوموزلر يكرزه اوروب هان جمعيتلرنى تارومار ايدك ،
اثر براقىك بيورمشدر . صلى الله عليه وسلم

مشروطيت ايجين

عثمانلىرك سلسله مقدرات مليسه يكي بردوره
تعالينك مؤدته التحاقنى و بره رك بزه نوبن براميدحات
باصلاحش ، نوزلر ايجنده قلمش بيلر مزه يكي بر جلا
بخش ايدن اون بر تموزده خلقك مست حظوظ
سپنه سندن حررت ، عدالت ، اخوت كى بوكسك برغايه
اخلاقى به عائد كهلر بر فوران حارايه آقاركن محافظه
اعتدال ايتمكه كى بتون جهدلر مى اوبايانسز سورملى
او قدر مغلوب و ييتاب بر ايقوردى كه مملكتك مختلف
صنوف افرادىنى بر چوق قنات نظر دن بتون ماهيت
صحيحه سيه كوسترمه جك بر عدسه تدقيق كوزلر مه
قويمقدن قورقيور ، يينمك بعض بديين اصرارلر نه
قارشى روو حك ، وجدانك غايت حاجانلى و براميد
برصدائ عصيان رفع ايتديكى ايشيديوردم . بيلوردم
كه بوملكتك ايم بر نصيب حيات اوله رق ايجنده قالدغى
اداره كره ، مهم بريكون دماغنى ازاله سى بك كوچ
جهالت سيسلريله مخوف بيراقشدى . و عثمانلى
ممالكنك بر چوق پارچه لر نده كى مشهوراتم بكا تا مين
ايديلوردى كه اولدليل اداره نك ثقل مصابنى طاشيه
طاشيه ازلبن خلقك عظيم بر قسى « حاكيت مليه »
نك مساحه قيمتدن ، حتى تماماً تعين ماهيتدن بيه
عاجزدر . فقط ، مادامكه ديوردم اهالى او اغير استبداد
بوكنك التندن چيقور ، اداره جديده نك رحمان

و محسنتی طبیعتیه و یک جابوق حس ایده جک، و ارتق
حق ناطقیتی استصحاب ایدن مطبوعه تده بعض وسائل
سفیه ایه تحری؛ منفعته قالمیشه جق اولان زمره
ارتجاعیونی هر زمان محکوم هزیمت ایلمه جک ! وقایع
اخیره ظنلرمک مفرط بر بدینلکه شایه دار اولدیغنده
شبهه بیر اقدی . اهالنک جهانی ینه اهالنک تسمیم
وجدانه آلت ایستدکنصره بوزهرلمش خلقتلری برطاقم
احتراسات ذلیله نك واسطه تطمینی اتمک ایچین نه قدر
عوامل مفسده موجود اولدیغنی همیز کوردک ،
اکلادق ! بوتجربه ذاتاً تجارب تاریخیه نك بزه دائماً
مالکیتنی توصیه ایستدیک بصیرت و احتیاطه یکی برصلاطت
و یرمک لزومی بون بونونه حس ایستدیر یور . اهالیز
جاهلدر . بویه جاهل و غیرنمور ینلرک، کندیلرینه
واقع اوله جق هر درولتلیقناته بلاتقیدومحا که مطاوعتی
براضطرار طبیعیدر . باخلاصه بوتلقنات ملنک خواص
جبلیه سی عدادینه داخل اولمش بعض ایلاف اعتقادیه بی
تمیج ایده جک برماهیت نفاقکارانه بی حائر بولنورسه !
مشروطیتک معنای صحیحی ، حاکمیت ملیه نك
نه بویک بر نعمت اجتماعی اولدیغنی مع الاسف اکثریت
کمال وضوحه کورهمیور . حادثه اخیرده دن اول وجود
سیاستمزدن یکن اک اوقاق بر رعشه هیجان بر جوق
کشیلرک اغزندن « اداره سابقه ده ایا ایدی . صانکه
یوحالر نه ؟ » زمینده کشف بر جهله سویلین
لقردیلری همزه ایستدیر میورمیدی ؟ بوزوالیلر
کورهمیورلدی که افق آتمیزده تسم ایدن اک اوقاق برلعه
امیدی کلوب اورتن بلوطلر ، هپ او ملعون دور سابقک
بقایای سحائیدر . اوتا کلامیوردق که کنجکده کی سوء
استعمالنک جزای طبیعیه سی اختیارلغنده چکن بر وجود
مرضی کی بزه دور جدید حریتده فراکلق بر
ماضی مستبدک وارث میثاقی اولیورز . ابتدا مطبوعات
اوزون برمدت ضبط اولمش فریادلر نی برکافی بر
اندفاعله صاحبقدن صوکره کندنی - نه اومظلم
دورک اثر تریسی اوله برق - عطش فکری ، ملکته
رشحه آوریض اولقدن زیاده پک سفیل اغراض شخصیه یه
بر زمین جدال شکلده کوستردی ..

فقط آرتق یتر ! امین اولی بزه بومعلول وجود
ملت بدما بویه بجرانله اصلا مقاومت ایده میه جک
بردرکه ؛ بریشانی به کلمشدر و بونی تاب خسته نك تداوی
امراضی ، تامین حیات مستقبلیه سی ایچین مقتضی
لوازمک باشلیجه سنی :

مشروطیت اداره

تشکیل ایدیور . قطعاً بیلمی بزه ک آتوریلر ،
بابیلر کی اعصار عقبنه نك اقوام جهانگیریه بر مرکز
تمدن اولان عراقک بویک بر جولانکاه اشقی اولمی .
منبت ، بر فیض طبیعت اناطولینک بر خرابه هرمدیده
حالده قالسی . بون عر بستانک حالا محروم ترقی بر
حال بدویته بولنسی ، عصر اخیرک مجموعه حادثاته
خونین صحیفه لردن مرکب بردسته مخالف علاوه ایدن
بر جوق روم ایلی وقایعی ، احوال مالی مزده کی جانشکاف

انتظامسزلی ، بون اعضای حکومتده کوردوکنز
فقرا دم ، حاصلی هیئت اجتماعیه مزنی هر کون بر
سفالت جدیده ایله تدلیل ایدن فالقارک الک بویک
سبب سیاسی مشروطیتسزلیک و بونک ایجاب طبیعیه سی
کی اولان اداره استبدادکارانه ایدی . بناء علیه هیچ
برملته نصیب اولیان بر سهولت و سکونله بزه سکرای
اول بخش ایدین اوعالی مشروطیتک الک فدا کار ،
اک صمیمی بر حامیه سی اولقده همیز ، هر زمان متحد
بولنم . و قطعاً اونوتیم که بر ملنک استقبالی ینه
اوملت طرفدن دوشونولزسه کندیمی ایچین هیچ
بر امید اعتلا ، هیچ بر نصیب تکمل متصور دکلدز !

فاضل احمد

بر آز مقاومت

دونکی هلالک بر آز سرت ، بر آز آچی ، بر آز
مفرط برلسانه یازلمش اولمی بعض کیمسه لره هدف
ملاحظات اولدی . بو ذوات بیلمیلدرکه هلال قانون
و شریعته قارشى عاصی اولانلرک هر زمان دشمنیدر .
مسامحه و ریا قبول ایتمه چکدر . بو ملت بو آنه قدر ،
هپ آله یکن فرصتلی قاجیردینی ، دائماً غافل ،
فغانی دائماً غفوه میال قالدینی ایچون بو درکبه تنزل
ایستی . حقیقی اعتراف ایدم ؛ بویک ملتمز
قوتسزدر . بویکونه قدر خارچدن ، داخلدن کیمه
ونه ایله تماسده بولندیسه فالقدن باشقه برشی
کوره مامشدر .

فغانه کوز یومه یومه ، ردائی آلقیشلايه آلقیشلايه
بویکون اک سفیل . اک جبین ، فقط اک ظلم ، اک
وخشی بر کدینک صولنلرینه بویون اک یه جک ،
دینسز لکی تجیل ایده جک قدر تنزل کوستریور .
کذا بویکون اعترافه مجبورزکه اوتوز بر مارت فجع بر
مقصد ردائتک تاریخلرده براهه جنی اک قارا کون
اوله جقدر . حال بویه ایکن و بز بونی بیلرکن حق
مشروعوزه حالا مدهش ، قاهر تکملر ووران قوته
او قیام استبداده قارشى آغزیه آچمیوردق . حتی
صوگ تومزدن صوکره بردن بره اهتدا ایدن غزته لر
بر طرف ایدلسه ، اولنرده ذاتاً بر مقصد مشروع ملی به
خدمت آرانیمسه بیه صوکره دن رنکارنک مسلک
چیقان وامکان موجودیتلری آتجق تمامی مشروطیه
مربوط اولان جرائد مطبوعات بیه بوضربه بی خوش
کورمکه ، حتی آلقیشلامه باشلادی . بو غزته لر
بعض رفیقلرینک ناصل آچلجه ، وحشیجه یاغما ایدله-
کارنی هان نمون برلسان ایله یازدق لری ایچون کندیلر نی
معذور کوسترمجک سبیلر بیان ایتسلر ، او ائشاده
امان بیلمز بر حکومت غیر منظمه ، محاکمه ایتمز ،
دیگله مز ، آجهاز بر هیئت حاکمه قارشیدسند بولدق لری
سویلسلر ینه نظرمده محکومدرلر . زیرا حیثی بر
آدم ، وجدانی بر و طنداش سلامتیزک آتجق فداکار -
لغمه مز منحصر قالدینی اعتراف ایدر . مشروطیتمه
نکهایان ، حریتزه استادکاه بیلدکمز غزته لرک بوقدر
جبین ، بوقدر سریع التلون اولملری لازم کلزدی .

اگر ایستافو نوسده کی بویک آدمرا اولسه ایدی ،
بلکه اونلر بومبارک و وطنک شو صوگ قالان بر قارایش
طوبراغنی فدا ایده میه جک قدر حیثی اولسه لردی
بویکون آرقه مزده سفلی بر خفیه ایله هر دقیقه
حیاتمزه یوز بیک ته لکه کچرمسه ؛ بر نظیف
سرورینک ، بر محمد پاشانک ، بیلیم بردهاها نکی شقینک
تهدیدافتراسی آلتنده آزلیمش ، اویوشمش . ینه قانمز
ینه بیکس ، دائماً جاهل یاشامغه راضی اوله جقدق .
بویکون بولمک اک حریتپرست بر قلبی بوتون بوتجکم
مستبدانه یه ، بوتغلب شیعانه یه قارشى - اوتوز بوقدر
سنه در اولدینی کی - اوقاق بر عصیان بیه جساتیاب
اوله میه جقدی . بویکون مسؤلیته آلتده مسیبلری قدر
ملته مطبوعه تده اشتراک ایتمش اوله جقدردی .

بویکون متین . شجاع ، محترم عسکرمز سایه سنده
مؤیداً اندیشه استبداددن قورتوله جعمری سویله یورلر .
بعض مقدس آغزلر دیورکه : « روم ایلیدن کلان
حریت اردوسی اوتوز سنه در مملکتک محیطه یایلان
کشف و چیرکین بولوطی قالدیروب آنه جق ، بومملکتی ،
بومملکتک زواللی اولادینی اوزون و مستریج بر حیات
سعیه دعوت ایده جک . » بومقدس آغزلروار اولسون !
وار اولسون .. لکن شوراسنی ده بیه لم که اگر بز
حالا بویه کهوشک ، حالا بویه ذلیل و حقیر قالرسق
هیچ برشی اولماز . چالشه ازسق ، عثمانلیغه لایق اولغه
چالشه ازسق بزه ده ، بزم ایچون چالشه انلرده ،
وظنمزه ده یازیق اولور . بویکون سزدن بر آز قوت
بر آزعزم ، بر آز جسات بکه یورم . اللرکزی باغلیان
کلچهلری قویار یکنز ، کوزلر یکنده کی باغلی آتیکز
وسویله یکنز . لازمه باغکرز . بودقه الکزده کی
فرصتی قاجیرمیک . انسان بر روز زیادار سعید ایله
ارشاد ایدلکه اک کتفا ایتمیلدر . وظیفه مز چالشه مق
و چارپشمقدر . وطنک سمادته چالشه مق و اونک
ایچون - لازمه چارپشمقه بر عبادت ، و عبادت لرک ،
دعارک شهبه سز بارکاه الوهیده اک مقبول اولانیدر .

مفید راب

قره قوش

۳۱ مارت ، عصیان عسکرى کونی ، استانبولک
محیط ماتمنده بر قره قوش ، منحوس بر یاقوش
توره دی . قوردلر ناصل صولت خون بزانه لری ایچین
سیس و دویمان بکلر لسه بوقره قوشلر ، اولوم قارغه -
لری ده پرواز لثانه لری ایچین قره قوووقلرده قره
کونلرک استیلای ظلامنه انتظار ایدرلر . نور شمس
آلتنده کوزلری قاشیر ، کور اولور .

دور استبدادک اک متسخ بر منع فسادی اولان
مطبعه سندن ۳۱ مارت کونی فته جویانه ، مهجانه
علاوه لرجقاران مههودمعلومات صاحبی طاهر اقدی ده
بو فلاکت و شثامت قوشلردن بریدر . او کون
عسکرى مکتبلی ضابطان علیه تحریک اتمک مقصد
جانیسکارانه سنیه ترتیب و انشر اولان قره قوشلی
علاوه لرک هپ بو مطبعه دن چیقیدینی تحقیقاتمه درجه
شیوته واردی .

معلومات صاحب مہودی طاہر افندی سکن آی اول
غفو اولغاز بر اثر غفلت و یا خود خیانت اولهرق حبس خانہ
عمومیدن سکنیاتی تحت اوزریتہ صالحدیریلان اشراذن بریدر.
بوگونکی حریتی، بلکه حیاتی دور جدیدک غفو
وصفندن باشقہ کیسہ یہ مدیون دکلدر. شمدی
یہ بو ایلک فقط موقت، کیچی فرصتن استفاده
چارلرینہ توسل ایدہرک حیات سابقہ دانائتہ عودت
ایتمکدن ایسہ موجودیت سفیلہ و مشؤومہ سنی اویقیلان
استبدادک انقراض تاروماری آتہ ایدیا کیزلہسہ، دفع
ودقن ایسہ.. بو منحوس یا قوش موت و ماتم
شرقیلرہ یہ کندی عالندہ.. او خرابہ لردہ اوتسہ
دہا ای اولمازی؟

تبدیل عظیم

هلال مطبوعہ سنہ

مشروطیت و مشروعتی سزک محافظہ سیچون حرکت
اردوی عثمانیہ برلکدہ قانمزک صوگ داماسنہ قدر
چالیتہ جعمری عہد و میثاق ایتمک.

٨ نیسان سنہ ٢٢٥٠

مجیدہ نرواروری ضابطان

وعموم افرادی

خفیہ لہرہ انسانچہ براخطار

ہوستانی ہمان بوتون استانبول خلقنجہ معلوم
و معین اولان بعض مفسد جاسوسلرک حرارت
و ولولہ وقایع آراسندہ ییلان قتلانی قالدیروب شورادہ
بورادہ سوروندکاری، سوروندکاری کورولیور.
بوچیان وییلان قتلاری ازہجک قوی، جسور،
حیثی قوللر موجوددر. بونلر منفای نیسانلرینہ
چکیلوب موجودیت خبیہ لہرینی ایدیا کیزلسلر دہا
ای اولمازی؟

خرستیان و طنداشلر مزہ

بر قاج کون اول کیمک آدینی معلوم اولان
او خائن طاشک موجودیت ملیمن اوزریتہ سقوط
خوتی استقبال ایچون بسیلہن امیدلری - ولوموقتاً
اولسون - یاسہ قلب ایتمشدی، فقط بوکون حریتی
استحصال ایدن سونکولرک بودفہدہ استرداد ایچون
استانبول سورلرینی احاطہ ایتمہی وطنی،
جداسون، اونک ایچون اولکی کندیہ اُک بو یوک
شرف ییلن حقیق و ظہورلری مستریخ ایتمشدر.
فقط جہالتہ استناد ایدن خائنلر صوگ برجرأت
مایوسانہ ایلہ هجومہ، خاصہ ذکایہ تعرضہ قرار
و بردکاری روایت اولونویور.

بو معلونلر شمدی دہ غیر مسلم و طنداشلر مزنی
اخافیہ، حریت اردوسنک استنبولہ دخولندن
اول ارجاعیونک خرسیتیانلرہ تعرض ایدہجکی
شایعلرینک دورانہ چالیشیورلر. غیر مسلم و طنداشلر مزہ
عن صمیم القلب رجا ایدرز؛ بو کچی روایات خائنہ یہ
اصلا اہمیت و یرمہملری سلامت وطن نامتہ لازمدر.
حرکت اردوسی قوماندانک بیاننامہ سی بوکون

میداندہدر. مجاہدہ حریت ایہون روم ایلمدن کلن
اردو تمال ناموس عسکری، تمال عدالتدر.
اونلر بورایہ وطنداشلرینی ایچون دکل
ناموس ملی بی کمال ایچون کیلیورلر.
بوکون ہیچ کیسہ تلاش ایتمہ ملی، کیسہ
قورقاملی. یالکز قورقہ سنی ایجاب ایدن خائنلردر.
اوخائنلرک بر طاقم پاچاورالرک مقتریانہ قارشى عسکر
قردشلمزنی اولانچہ غیرتیہ مدافعہ ایدن جاہدی
جاہل اللرک آلتدہ قتل ایتمک ایستہ دیلر. او دین
دشمنلری تخائی ایستونلرکہ دینی، ماتنی محافظہ یہ
چالشان غورلری دینداشلرینک بد غفلتدہ اولدورتمک
ایچون دینلرینی، ایمانلرینی مستبدلرہ صایدلر.

تعمیر ناہیب

آلان ورقہ صورتی:

محافظ حریت اولان عسکر قرداشلر مزہ

قانون اساسیمی، مشروع اولان مشروطیت مزنی
محافظہ ومدافعہ اوغورندہ قانمزی ایشارہ وبویولدہ
فدای جان ایتمک خصوصندہ سزکہ برابرز بزلر کچی
معصوم عسکرلرک صافیتندن بالاستفادہ دین و شریعت
مقدس مزنی کندی افکار خائنلرینہ آلت اتخاذ ایدن
و بو یولدہدہ دولاب شیطنت و مغلنت تدویر ایدن
کزی اللری کورمک بزم کچی صاف قلبی عسکرلرچہ
ممکنیدر؟ استبدادی کری کتیرمک افکار خائنہ سندہ
اولدقلرینی بیلسہ ایدک اوخائنلری بارچہ لہ جعمرہ اللہ
شاهد مزدر.

خلمہن بو وطنک اولادی بولمت نجیہ عثمانیہ نک
عسکری بز. وطنک ترقی و تمالیسینی و مشروطیت
مقدس مزنی آرزو ایتمان آچقلر بزم کچی عسکرلر
ایچندہ بولماز.

محافظہ مشروطیت ایچون استانبول جواریسہ
کلان بتون عسکر قرداشلر مزہ قلباً، فکر آسوازی بز.
و کندولرینہ: «خوش کلدیگز صفا کلدیگز» دیروکال
صمیمیتلہ جوقاقلہ یرق سلام ایدر و یباشون اطاعتی
وشائی حریت اردوسی دیسیرک آلقشالرز.

یادہ اوچمہی ایلمک ایلمہی طاہوری
افراد عثمانیہ سی نامتہ بلوک امینی

صبر حسن کاظم

احمد ساقی بکدن النان مکتوب

دون چقان ہلال غزہ سندہ مندرج آچیق مکتوبکری
بوکون بعض اجبانک اغظری اوزریتہ مطالعہ ایتمہ.
درویش وحدتیک (ولغان) غزہ سندہ نشر ایتمیکی بیانات
ملعونہ نفاق و شقاق جوایہ ملک ملت نجیہ مزہ، حیات
مشروطیت مزہ اراث ایدہجکی مضرتلری قودقہ بری تیقن ایلمکدہ
اولدیمدن شریکم ردیف باشا زادہ خلیل بک ایلہ برابر
بووتیاریقی مطبوعہ مزدن دفع ایتمک ایستردک. حق دفعات
متعدہ شکایتلری کندوسنہ بیان ایتمک. صوگ کونلردہ
کندیسہ بو یادہ تبلیغات شفافیمدہ بیلہ بولندق. فقط
بومسلک سقمی اتخاذ ایتمدن و غزہ سنی عالم مطبوعاندہ ذرہ
قدر براہمیت و تداول پیدا ایتمدن مقدم یعنی قانون ثانی
اولاندنہ مطبوعہ مزہ ایلہ اتی آی مدت ایچون عقد انش
اولدییی مقالہ نامہ بہ استناد و رقیارہ سنی مطبوعہ مزہ جبراً
طبعہ ویرایی ہفتہ دہری سیانغی تہدید آمیز بر صورتلہ
مسودہ لہرینی کوندرمک دوام ایتمشدر. ایلم اخیرہ احوالک
مطبوعہ مزنی وافرادی نہ مشکل موقعہ قودیدنی بی طرفانک

حسیلہ تقریر بیورورسکر اعتقادندہم. قلب ملتدہ رخنلر
آچش اولان بررقیاریہ نک اجرت طبیعہ سندن حاصل اولہجق
برمنمت خسیہ یہ تزل ایتمہ جگمہ قلب عالیلری شاہددر
ظن ایدرم. حیات و احوال خصوصہ مک ہر وقت صاف
و تزیہ بر محیط ایچندہ بولندی سزک کچی ترونی طانیانلرچہ
مصدق و مسلم اولدیفندن تطویل مقالہ لزوم کورمہرک
شو ایضاحاتی اعطا و مطبوعہ مزہ ہر درلو تصنیفات کوزمہ
آلہرق مذکور و رقیاریہ نک فی ماہدہ قطعاً طبع اولغیہ جغنی
بیان ایلرم انندم.

چهارشنبه ٨ نیسان سنہ ٢٢٥٠

احمد ساقی

داغلی

ہیئت وکلا

اساساً اصول مشروطیتہ مخالف صورتدہ تشکل
ایتمسندن طولانی نظر ملتدہ بر موجودیت مشروعیہ
حائز بولنیان قایبتہ ارکانندن بعضیلری صدر اعظم
توفیق پاشا، حربیہ ناظری ادہم پاشا استعفا ایتمشلر.
سہدہ بالآخرہ - کورولن لزوم و مجبوریہ اوزریتہ...
استعفا نامہ لہرینی کیری آلمشلردر.

آطنہ وقایعی

آطنہ دہکی اغتاش و قتلک منع و تکیچی ایچون اورایہ
حلب و سوت ایلیان طابورلرک بومیہ لریک، مخصوصاً ترینک
ورٹامسی بوزندن طاغیلق اوزوم بولندلرینہ دائر بعض
فنا خبر آلتیور.
حکومتک برمتداد اوپولاماسنی، تدابیر حاجلہ اتخاذ
ایتمسی بوضہ ایدرز. خفیہ لہرہ، قاتلرہ طاغیقلان آروچ آروچ
آلتونلر زودہ در...
آطنہ حوالیسندہ اغتاش، یانغین، یانما دوام ایدیور.
مقدار خسار بک جوقدر، تلفات بیک قدر تخمین اولتیور.
اغتشاشک حبابہ، قوزان و خاچین جتہریندہ سرایتندن
قورقولیور.

عثمانی اتحاد و ترقی جمعیتی در سعادت مسر کزندن

بو آقسام اعلاننامہ اولدق نشر ایلیان بر مفیدنامہ دہ
روم وطنداشلر سزک ہلہندہ قنہ انگیز بر لسان استعمال
ایدلہجکی کورلشدر.
قناصر عثمانیہ یکدیگرینہ مربوط وجہلہ ستنک سون آتالی
وطن معزز مزردہ مشروطیتک تاسسہ منوط اولدییی حالہ
برطاقم خائنلرک بین المناصر القای فساد ایتمک فرضیلہ بولہ
آلغچہ سنہ نشریات نفاقریایہ جبراً لری خذلہ ارتجاعک
محصول تزوری ایدوکنہ اشتباہ ایلماسی اعلان اولنور.

٨ نیسان ٢٢٥٠

فاسد روایتلر

برطاقم اراذل شوروادہ بورادہ طولاشہرق روم ایلی
حرکت اردوسنک کویا رامز، و کاغد خانہ اوزریتہ کلدیکی
قندہ برطاقم روایتلر اشاعہ ایدیورلر. اردوکلش و کلہ جکدر.
بورادہ مشروطیت، امنیت و آسایش تاسس ایدجہ یہ قدر
اردو ہیچ بر برہ کیتیمہجک و اساساً موجود اولان قوای
عظیہ عسکریہ یہ بیدری دہا بر جوق قوتلر، بوتون ملت
التحاق ایدہجکدر.

دولت عثمانیہ - بلغارستان

سخنبارتیزہ نظراً دولت عثمانیہ و بلغارستان بینندہ
تنظیم اولنان اختلاف پروتوقولی امضایتمشدر. موسیو لایچیف
بروتوقولک امضاسندن اول بلغار استقلالک تصدیقی طلب
ایتمک ایستہ مشہودہ انگلترہ، فرانسی روسیہ حکومتلرینک
صوقیہدہ مداخلت مشترک لری ساہہ سندہ اشتلافنامہ نک
امضائیمی ممکن اولہ بیلشدر. پروتوقولک بوکون (چهارشنبه)
مجلس معناتانہ بودیعی مشروط اعش.

صاحب امتیاز: مصطفی عاصم

هلال مطبوعہ